



AS 13 CHAVES





CHAVE 1. ABRIR O CONCELLO PARA RESCATAR O BENCOMÚN

- Esta é para nós unha chave fundamental, temos o repto de Devolver o concello á cidadanía, para transformar a forma de gobernar o Concello. Falamos de rescatar o ben común porque nos últimos anos foi secuestrado polos gobernos do PP e os seus tres alcaldes.
- Estamos diante dunha oportunidade histórica para conseguir unha transformación democrática do Concello, coa e colocar as bases dunha forma de gobernar diferente, asentada na garantía de dereitos de cidadanía para os veciños e as veciñas de Compostela, así como fundamentada nos principios da democracia participativa.
- Un novo deseño institucional que satisfaga o desexo de limpeza democrática e o de recuperación da ética no espazo público, e que tamén estableza estruturas de participación e toma de decisión da cidadanía no día a día no concello de Compostela. Trátase en definitiva da participación directa dos veciños e veciñas de Santiago en decisións políticas importantes, mais tamén no gozo de bens e servizos en condicións de equidade e equilibrio.

2

Para isto aplicaremos 3 liñas estratéxicas:

Liña Estratéxica 1: Recuperar a ética no goberno do Ben Común: Control cidadá da representación pública.

- Controlar estritamente do patrimonio público durante o exercicio das súas obrigas representativas.
- Publicar obrigatoriamente o patrimonio de todas as persoas con representación pública.
- Vixiar a natureza dos incrementos patrimoniais durante o exercicio do cargo.

- Limitar salarialmente segundo o estipulado no código ético de Compostela Aberta. Supresión dos complementos por exercicio do cargo público.
- Controlar o absentismo do cargo público e sancións por deixación de 3obernó. Rendar de contas da súa actividade pública.
- Marco estrito de incompatibilidades durante o exercicio do cargo público.
- Establecemento de medidas contra o transfuguismo.
- Revogabilidade do cargo público.
- Respetar de forma escrupulosa o Código ético de Compostela Aberta.
- Publicación das axendas de traballo de todos os concelleiros e concelleiras.

Liña Estratéxica 2: Recuperar a ética no 3obernó do Ben Común: Dereito de acceso á información.

- Exercicio do pleno dereito de acceso á información para toda a veciñanza do municipio.
- Información pública de todos os asuntos que afectan á xestión do ben público do municipio.
- En especial ós orzamentos e á execución de ditos orzamentos (nesto último, con periodicidade trimestral)
- Aplicación dos principios da accesibilidade universal para o acceso á información municipal nos diversos formatos comunicacionais.
- Elaboración dun plan de uso de “software libre” no concello de Santiago.
- Publicación na web a través do Sistema de información xeográfico municipal (SIX) todas as licenzas e permisos que afecten ao territorio.

3

Liña Estratéxica 3: Recuperar a ética no 3obernó do Ben Común: Revisión normativa municipal conforme aos principios de redistribución da riqueza, da xustiza social e da equidade.

- Revisión crítica nos órganos de participación cidadá da diferente normativa municipal reguladora da vida no municipio, coa fin de introducir os parámetros da ética do ben común e da democracia participativa.
- Recuperar a centralidade do Pleno do Concello como órgano decisorio.
- Regular o Pleno do Concello que garanta a participación, información, control e capacidade propositiva dos grupos municipais, así como a participación da cidadanía e das asociacións e entidades do municipio.

- En canto se dean as condicións para que iso sexa posible, os contratos serán adoptados polo Pleno. Para iso será necesario, como mínimo, unha auditoría da débeda do concello e das concesións que operan con servizos públicos.



CHAVE 2. PARTICIPAR PARA DECIDIR

4

- Para Compostela Aberta participar non é só unha cuestión de opinar, ou de recollida de opinións. Non entendemos que a participación sexa efectiva senón leva consigo unha esfera de decisión e de corresponsabilidade. Asumimos o reto da construción da cidadanía mediante a democracia participativa.
- Queremos aprofundar na democracia, en certo modo, desafiando os atrancos normativos e antimunicipalistas da Lei 27/2013 (Estado) e da Lei 5/2014 (Galicia).
- Compostela Aberta queremos transformar Santiago nun concello democrático, con mecanismos de participación e espazos de decisión da cidadanía, así como previsións de recuperación de servizos públicos non só para o ben dos cidadáns, senón tamén para instaurar unha nova forma de xestionar o público a través da cidadanía e confrontar así un modelo privatizado, especulativo que sitúa orzamentos e xestión baixo a pouta de empresas privadas.
- A Democracia Participativa é a mellor ferramenta para impulsar a limpeza e a ética, para evitar irregularidades contractuais, para impedir o xurdimento da corrupción, e, en primeira instancia, para que todos e todas desenvolvamos as nosas capacidades e dereitos para intervir e codecidir nos asuntos públicos do municipio.

- A democracia participativa require dunha modificación das estruturas de goberno e de decisión, así como unha forma de goberno que transversaliza toda a vida política do Concello.

Liña estratéxica 1: Crear e formar un novo imaxinario democrático asentado na participación e na responsabilidade de decidir. Un concello para a cidadanía.

- Facilitar a máis ampla información sobre as súas actividades, así como sobre o funcionamento de toda a súa estrutura institucional, dos diferentes órganos de goberno e participación e de servizos á cidadanía.
- Promover e garantir a participación da cidadanía e das entidades, colectivos e asociacións cidadás na xestión municipal, sen prexuízo das facultades de decisión correspondentes dos órganos municipais representativos.
- Facer efectivos os dereitos de cidadanía.
- Fortalecer a vida asociativa do concello a través dos distritos de barrio e parroquia.
- Achegar a xestión municipal á cidadanía para melloralas nos seus parámetros de servizo público.
- Garantir a solidariedade e o equilibrio entre os distintos distritos do termo municipal e dentro de cada un destes, para que ningún barrio ou parroquia teña a sensación de que existen zonas de privilexio e zonas infravaloradas nas accións do goberno municipal.
- Na medida das posibilidades, o Concello promoverá a radio e/ou televisións locais en tanto que servizo público dirixido a empoderar a cidadanía e dar conta das diferentes formas de participar na vida do Concello.

5

Liña estratéxica 2: Crear un novo Regulamento de Participación Cidadá.

- Elaboración dunha Carta de dereitos de veciños e veciñas para garantir a participación e a decisión da veciñanza na xestión dos asuntos do Concello. Dita Carta integrará, cando menos, os seguintes dereitos de participación e sempre desde un enfoque de equidade, solidariedade, cooperación e inclusión social:
 1. Dereito de participación.
 2. Dereito á información.
 3. Dereito de petición.
 4. Dereito de audiencia.
 5. Dereito de iniciativa.
 6. Dereito de queixa e suxestión.
 7. Dereito de intervención.
 8. Dereito á consulta popular ou referendo.

- 9. Dereito ao asociacionismo e ao cooperativismo.
 - 10. Dereito ao acceso e uso das Tecnoloxías da Información e a comunicación.
 - 11. Dereito de reunión.
- Elaboración dun protocolo para establecer o dereito ás consultas públicas refrendarias.

Liña estratéxica 3: Artellar un novo modelo de organización municipal.

A conformación da democracia participativa require dunha nova estrutura orgánica que incida na transversalidade que emana da participación.

- Crear unha delegación de participación cidadá: Crear na estrutura orgánica do Concello unha delegación de participación cidadá para dar resposta á transversalidade que en esencia ten a democracia participativa. Entre as súas funcións está velar polo correcto funcionamento das canles de participación que se establezan no Regulamento e polas axeitadas relacións entre os órganos de participación cidadá e o Concello.
- Dispor dunha Oficina de atención cidadá: Tratar nun nivel primario a información municipal que atenda as peticións e consultas da cidadanía e dos colectivos e entidades, tanto presencial coma telefónica ou telemática. Terá función de rexistro de peticións, queixas, suxestións, iniciativas e propostas, así como a realización dos trámites administrativos que se determinen.
- Canles de información públicas para a participación: Habilitaranse a través de diversos soportes diferentes canles para a divulgación de información. O Concello habilitará espazos de internet que sirvan non só para a realización de trámites burocráticos, senón para dinamizar a participación da cidadanía.
- Creación do Rexistro municipal de entidades cidadás.

6

Liña estratéxica 4: Facer cidadanía a través da participación.

- O Concello promoverá as memorias participativas en proxectos municipais que teñan unha incidencia directa sobre a tipoloxía e natureza dun barrio, dunha parroquia, dun distrito ou da cidade.
- O concello desenvolverá o proceso de formación necesario do persoal para atender de forma correcta aos procedementos normativos e funcionais da democracia participativa.
- O Concello elaborará un Plan de formación cidadá.
- Establecemento e respecto da integralidade do proceso participativo que, de forma necesaria, pasará polas seguintes fases: información; debate cidadán; devolución; execución; revisión e avaliación.


- Artellarase un modelo de mediación veciñal para a resolución de pequenos conflitos de convivencia.

Liña estratéxica 5: Creación de órganos e mecanismos de participación.

- Pola súa historia, por respecto á súa memoria activista, por seren xérmolo da defensa dos intereses dos barrios, das parroquias e do concello, as asociacións veciñais vencelladas a estes espazos son estruturas básicas de participación, e serán esenciais á hora de implantar a democracia participativa e de consolidar as novas formas de gobernar e vivir a política no concello.
- O Concello, en función do acordado no Consello municipal de cidadanía, determinará como se integran as estruturas básicas de participación en estruturas territoriais de máis extensión, mais de trazos compartidos. Un exemplo poderían constituir os barrios da Almáciga, Basquiños, Bonaval e San Pedro, que poderían conformar un distrito.
- Cada distrito terá dúas estruturas de participación cidadá permanente, o Consello de distrito e a Asemblea de distrito, cuxas funcións serán determinadas mediante o Regulamento de Participación Cidadá.
- Crearanse Observatorios locais de participación para determinar a situación da realidade participativa no distrito ao que se vencelle e propoñer as melloras que se determinen como precisas.
- De forma paralela, o Concello creará as Xuntas municipais de distrito, como elo relacional coas estruturas básicas de participación, os consellos e asembleas de distrito e o Concello.
- Crearanse Consellos sectoriais para aqueles asuntos que afectan a un eido determinado: saúde, educación, mocidade, igualdade, persoas con diversidade funcional, persoas migrantes, etc. Un dos máis importantes, sen dúbida, será a creación do Consello da infancia e da adolescencia.
- O Consello municipal de cidadanía será o órgano de participación cidadá que analiza a situación do concello de Compostela en toda a súa extensión e en calquera dos sectores e que propón e coordina as accións de mellora en todo o territorio.
- A Asemblea do Concello é a máxima estrutura de participación cidadá do Concello.
- Todos os órganos de participación cidadá deben ser estables, permanente e cumprir os obxectivos e funcións para os que foron creados e segundo se formule no Regulamento. Por iso, son precisos mecanismos de participación básicos: a) Interlocución necesaria; b) toma de posición; c) coxestión (intervención da cidadanía na execución de actuacións, servizos ou programas); d) autoxestión (autonomía da cidadanía na execución de actuacións,

servizos ou programas, sendo responsable das decisións a cidadanía); e) Intervención en órganos municipais; f) Asemblea Cidadá.

- Orzamentos participativos, como ferramenta de corresponsabilidade, de codecisión, que se elaborarán tendo en conta as estruturas orgánicas de participación e que sirvan para planificar un Concello de Santiago Compostela máis xusto e solidario, e de redistribución da riqueza e contribúa a cohesionar socialmente todo o Concello.
- Promover a participación da cidadanía en empresas municipais e organismos autónomos non só nos procesos de información, consulta e reclamación, senón tamén que se promoverá a participación nos seus órganos de dirección.



CHAVE3. DESENVOLVER TODOS OS SERVIZOS PARA AS PERSOAS

A candidatura de Compostela Aberta, ten como un dos seus obxectivos, prioritarios, a transversalidade e sobre todo a accesibilidade dos servizos sociais municipais para toda a xente no noso concello. Porque cremos na universalidade das políticas sociais e de saúde, no seu carácter público e de calidade. Vemos necesario o aumento nas partidas orzamentarias para a súa xestión pública directa para atender a diversidade das demandas sociais, dándolle prioridade á prevención, promoción e desenvolvemento da autonomía persoal e saúde.

A faciana do concello debe cambiar para que estas ideas sexan posibles. Así **Compostela Aberta** **achegará políticas de integración e de normalización dos dereitos de todas as persoas**. Que toda a xente

poda desfrutar dos recursos e servizos para unha vida digna. Isto enmárcase no principio de integración/inclusión/normalización que recoñece dereitos lexítimos das persoas que o Concello debe recoñecer para a súa incorporación á vida cidadá e facilitarlles a mellora nas súas condicións de vida. Todo isto implica tamén a recuperación de servizos e recursos que agora mesmo non están en mans municipais.

O concello ten a obriga de atender as necesidades básicas da cidadanía. Dita responsabilidade precisa da coordinación e colaboración de axentes municipais, sociais e asociativos. Aplicaremos unha política de transversalidade para que este punto se materialice de maneira acaída para a loita contra toda forma de exclusión e discriminación.

Compostela Aberta quere que as políticas municipais permitan ás persoas desenvólense de maneira plena. Garantiremos o acceso aos recursos que permitan o empoderamento persoal para transformar a vida das persoas e que asuman as propias responsabilidades persoais e participaren na vida cidadá. Xunto a isto, calquera proposta estratéxica na mellora dos servizos sociais, nacerá coa participación cidadá. Isto farase posible mediante mecanismos de democracia participativa que se crearan para o seu efecto.

Comprometémonos á transparencia nas contas dos servizos sociais e nas políticas municipais, asumindo tamén as responsabilidades políticas cando sexa necesario. Asumimos tamén o Compromiso na defensa do carácter público dos servizos sociais, atendendo a unha contratación pública socialmente responsable.

Todo isto fainos ver e por tanto asumir os retos que se nos presentan diante. Un concello solidario e xusto para a eliminación da pobreza. Crear un concello amigable para as persoas maiores, seguindo as recomendacións da OMS de favorecer un lugar saudable para os nenos e maiores que permita o seu desenvolvemento e autonomía. Buscamos tamén un concello integrador das diversidades, poñendo en valor a diversidade humana e fortalecendo o recoñecemento e aceptación das diferenzas, aprendendo a convivir e construír un modelo de oportunidades no noso concello.



CHAVE 4. ECONOMÍA AO SERVIZO DAS PERSOAS

ESTABLECER UNHA FISCALIDADE XUSTA PARA UNHAS FINANZAS TRANSPARENTES A ECONOMÍA AO SERVIZO DAS PERSOAS

Compostela Aberta consolida un programa económico de fiscalidade xusta e finanzas transparentes Compostela Aberta defende unha facenda municipal progresiva, equitativa e suficiente.

10

Compostela Aberta asenta un programa económico no que a economía se afirma ao servizo das persoas, para tentar loitar desde este vértice contra as desigualdades sociais. As propostas económicas municipais de CA deséñanse co obxectivo de enfrontar uns tempos actuais nos que 1 de cada 5 persoas de Santiago viven en termos de exclusión social; nos que se computan altos niveis de desemprego; moitas Familias con todos os seus membros en paro ou nos que se dan desafuzamentos.

Defendemos unha presión fiscal progresiva e redistributiva, para que sexa xusta, no marco dunha Facenda municipal que atenda tamén os principios de equidade e suficiencia. Neste contexto, expónse a consideración da situación económica, social e Familiar nas figuras fiscais, con aspectos como o establecemento de bonificacións do IBI para persoas en situación de exclusión social. Esbózanse formulacións de retorno progresivo á xestión pública directa dos servizos públicos básicos, como o da auga, nun encadre no que se proxecta rematar coas privatizacións.

Outro punto esencial constitúeo a transparencia da xestión municipal, onde se pon de relevo a realización dunha auditoría económica e financeira do Concello. No programa, Compostela Aberta sinala a liña de participación cidadá, na que se evidencian os orzamentos participativos. Contéplase afondar en mecanismos de xestión participativa, que doten

de capacidade de participación e de decisión á veciñanza. Para CA os veciños e veciñas deben ser protagonistas do que ocorre na cidade e non meros observadores, desde o convencemento de que ninguén mellor que eles e elas saben o que necesita o seu barrio e parroquia.

Turismo cultural

Ao fío dunha economía revitalizada e sustentábel, CA aposta polas Fortalezas da cidade, como a capitalidade, a cultura, o patrimonio ou a proxección internacional, para xerar riqueza. Avógase por reconducir un modelo económico, baseado na recepción de turismo de masas, cara outra guía, que se oriente a un turismo cultural e que converta a Santiago de Compostela na estación base para coñecer Galicia. O reto é conseguir un turismo desestacionalizado, de longa estada. Nesa vertente, sinálase a colaboración coa Universidade de Santiago de Compostela (USC) na definición e aplicación de políticas de creación de novos nichos de emprego e de desenvolvemento local.

Fomento do comercio de proximidade

No eixe de dinamización económica dos barrios e do rural, postúlase o Fomento ao pequeno comercio, o comercio de barrio, fronte ás grandes superficies. Desde CA apúntase que o comercio de proximidade repercute os beneficios na veciñanza, enriquece e dá vida aos barrios do municipio.

Con esa perspectiva, recóllese o apoio para os pequenos novos empresarios e medidas para loitar contra a especulación dos alugueres de baixos da cidade. Para Compostela Aberta, o Concello debe ser un Facilitador do pequeno comercio. Asemade, promover o cooperativismo e impulsar o asentamento de empresas de servizos no rural configuran outras cuestións do esquema económico.

Na enunciación programática de CA, sublíñase tamén a contratación socialmente responsable por parte do Concello, onde as empresas contratadas garantan unhas condicións laborais e salariais aos seus empregados e empregadas.



CHAVE 5. ALCANZAR A SOBERANÍA CULTURAL PARA ACTIVAR A SOCIEDADE

A cultura, ben común.

Temos unha visión da cultura plural e aberta. Cultura é cultura cidadá, servizo público, ben común; aquilo que non pertence en propiedade a ningún é dereito e responsabilidade de todos e todas (Culturas de lo común, Antonio Lafuente). Cultura é polo tanto a capacidade que, como comunidade, temos de crear, xestionar, compartir e cuestionar a representación e a experimentación da nosa realidade colectiva. Dita capacidade é de todos e todas, atravesa calquera faceta das nosas vidas, dende a historia e lingua ata a ciencia e a arte, pasando polas cousas cotiás como o comer e o vestir.

A cultura está presente en todos os lugares e en todas as iniciativas como eixo transversal da vida en común, xunto co noso patrimonio histórico material e inmaterial, constitúe a fonte fundamental de desenvolvemento social e económico da cidade de Compostela. Co obxectivo de defender e fortalecer esta visión da cultura como ferramenta de desenvolvemento social, cohesión comunitaria e diálogo colectivo, no exercicio da política como responsabilidade e dereito común, consideramos imprescindible que o eixo fundamental de calquera política cultural desenvolvida polo Concello consista en dotar á cidadanía de estruturas, recursos e medios de participación para xestionar a cultura. É dicir, na creación e desenvolvemento de mecanismos de toma de decisións na política cultural que empoderen á cidadanía e transformen ao concello nun axente mediador, encargado de dar soporte ás iniciativas culturais do concello e actuar en sitios onde non chegue a sociedade en lugar de actuar como un axente cultural que compite deslealmente e

censura, baixo criterios personalistas, as iniciativas de persoas, colectivos, cooperativas e empresas.

As políticas culturais como instrumentos e estruturas de participación non deben cumprir únicamente funcións de fornecedoras de cultura, senón de redistribuidoras dos recursos e da riqueza cultural que xeramos.

VALORES OU PRINCIPIOS FUNDAMENTAIS NOS QUE SE BASEA ESTA PROPOSTA.

- **Transparencia:** A xestión da cultura debe ser transparente en todas as súas fases, tanto os procesos de toma de decisión, como os modos de produción ou os investimentos adicados á cultura deben ser accesibles á cidadanía de xeito pormenorizado, didáctico, claro e aberto.
- **Participación:** A xestión da cultura debe ser participativa e dotarse de estruturas de toma de decisión que teñan en conta tanto aos veciños e veciñas da cidade, como os e as axentes culturais e profesionais que traballan nese ámbito e contan cunha formación específica.
- **Accesibilidade:** A cultura é un dereito universal, un ben común do que todos e todas participamos, a cidadanía non debe ter acceso á cultura unicamente como se fose un ben de consumo, senón que debe participar activamente dela en todas as fases do seu desenvolvemento.
- **Transversalidade:** A cultura non debe entenderse como un obxectivo en si mesmo, senón como unha correa de transmisión de valores, ideas e creatividade asociada a calquera área de actividade e da vida e non restrinxila ao ámbito especializado dos artistas e das artistas nin aos obxectivos específicos da programación cultural.
- **Descentralización:** A cultura debe fomentarse en todas partes, nos barrios, nas rúas, nos centros sociais, non atesourarse en centros pechados á cidadanía. A cultura debe xurdir, producirse e compartirse en rede, de xeito aberto e distribuído.
- **Diversidade:** A cultura é diversa, a xestión cultural debe atender a dita diversidade, fomentar e apoiar a investigación, a innovación e a creatividade, a mestura de estilos formatos e xeitos de facer.

13

OBRIGAS QUE DEBE ASUMIR COMPOSTELA ABERTA NA SÚA CANDIDATURA RESPECTO CULTURA.

- Exercer a responsabilidade compartida coa cidadanía e os diferentes colectivos sociais na defensa, recuperación, conservación e posta e valor e difusión dos patrimonios materiais e

inmateriais propios: etnográficos, lingüísticos, artísticos, históricos, arquitectónicos, científicotecnolóxicos, naturais, etc. Prestando especial atención a aqueles que se atopan nunha clara situación de ameaza como a lingua galega ou o medio ambiente.

- Recoñecer, facilitar, acompañar e promover os proxectos culturais de Compostela, fomentando o diálogo creativo entre tradición e vangarda, apoiando as iniciativas culturais e axudando ao seu desenvolvemento autónomo e consolidación.
- Garantir a igualdade, a atención a diversidade, a redistribución e o traballo en rede a través de sistemas de democracia participativa que inclúan nos procesos de toma de decisión á cidadanía e os e as axentes culturais.

RETOS CULTURAIS DA CANDIDATURA PARA A LEXISLATURA

1. Reto 1: Recuperar a vitalidade cultural da cidade

Queremos desenvolver a idea de cultura na cidade como alternativa ao concepto de Cidade da Cultura, devolver a cultura á cidadanía como algo propio, non como un ben de consumo. Dada a grave situación de precariedade material e inmaterial, non exclusivamente económica senón afectiva, discursiva, formativa, tecnolóxica, infraestrutural na que se atopan hoxe a maior parte dos e das axentes culturais, asociacións, colectivos, cooperativas e empresas adicadas á cultura en Compostela, que foi provocada pola ausencia histórica dunha política cultural actualizada, eficiente, aberta e plural sostida a longo prazo, consideramos o reto prioritario deste programa recuperar a vitalidade cultural da cidade perdida ao longo dos últimos anos, reestablecer o diálogo cos e coas axentes culturais do concello e enmendar a fenda aberta entre a cidadanía como comunidade cultural e a cultura institucional.

14

1.1 Liña estratéxica 1: Ordenación do sector.

1.1.1. Liña de acción 1: Diagnose e inventario de recursos culturais.

1.1.1.1.1 Acción 1: Recollida e catalogación de recursos.

1.1.1.1.2. Acción 2: Recuperar a memoria histórica de iniciativas culturais da cidade que desapareceron.

1.1.2. Liña de acción 2: Plan de accesibilidade e comunicación dos recursos.

1.1.2.1. Acción 3: Adecuación e adaptación dos recursos culturais para que sexan accesibles.

1.1.2.2. Acción 4: Elaboración e difusión do catálogo de recursos.

1.1.2.3. Acción 5: Creación dunha ferramenta dixital colaborativa para a comunicación e a difusión dos recursos culturais na cidade.

1.2. **Liña estratéxica 2:** Protección e fomento das artes ao vivo.

1.2.1. Liña de acción 3: Procura de solucións á programación de música e artes vivas en locais.

1.2.1.1. Acción 6: Creación dunha mesa de diálogo con hosteleiros e hostaleiras, veciños e veciñas, artistas e Concello para elaborar un regulamento que garanta as actuacións nos locais.

1.2.1.2. Acción 7: Creación dunha rede local de artes ao vivo.

1.2.2. Liña de acción 4: Recoñecemento das artes na rúa coma un dos valores culturais da cidade.

1.2.2.1. Acción 8: Elaboración dun directorio de puntos activos de arte na rúa recollidos en planos e guías turísticas.

1.2.2.2. Acción 9: Plan de activación das artes nos parques e zonas verdes da cidade.

1.3. **Liña estratéxica 3:** Fortalecemento da cooperación.

1.3.1. Liña de acción 5: Creación de sinerxias co tecido institucional, social, cultural, educativo, turístico, comercial, hosteleiro.

1.3.1.1. Acción 10: Desenvolvemento dun programa específico para potenciar a colaboración coa Universidade de Santiago.

1.3.1.2. Acción 11: Desenvolvemento dun programa específico para potenciar a colaboración coa Igrexa.

1.3.1.3. Acción 12: Deseñar unha estratexia de coordinación cultural coa Xunta de Galicia.

1.3.1.4. Acción 13: Creación dun cheque cultural que permita desgravar nos tributos locais xustificando o consumo de cultura na cidade.

1.3.1.5. Acción 14: Creación dunha etiqueta de responsabilidade cultural para o comercio.

1.3.1.6. Acción 15: Recoñecemento doutras manifestacións culturais como os centros sociais ocupados da Algalia, do Sar e de Filgueiriñas.

1.3.1.7. Acción 16: Promover a cesión de espazos e medios municipais para a súa utilización por parte de artistas e veciñanza.

1.3.1.8. Acción 17: Reactivación dende a xestión pública da rede de locais de ensaio.

1.4. **Liña estratéxica 4:** Identidade e posicionamento cultural

1.4.1. Liña de acción 6: Defensa e promoción da lingua galega para incrementar o número de falantes e a súa presenza na vida cultural da cidade.

1.4.1.1. Acción 18: Priorizar o uso do galego a nivel municipal como obriga institucional e en todas as actividades realizadas no concello.

1.4.1.2. Acción 19: Fomentar o cumprimento e desenvolver a Lei Valentín Paz Andrade.

1.4.2. Liña de acción 7: Favorecer as conexións culturais internacionais

16

1.4.2.1. Acción 20: Incorporar as producións culturais da comunidade lusófona ás programacións da cidade.

1.4.2.2. Acción 21: Establecemento de vínculos culturais con cidades europeas a partir de elementos comúns de afinidade (Camiño de Santiago, Cidades Patrimonio, etc.)

2. Reto 2: Empoderar culturalmente a sociedade.

Queremos promover unha visión transversal da cultura, presente en todas as áreas do Concello, e consideramos que o eixo fundamental da política cultural de Compostela debe dirixirse a empoderar culturalmente a sociedade, devolvendo a soberanía cultural as veciñas e os veciños, poñendo a disposición da cidadanía todos os recursos culturais de Compostela e concibindo o público non por oposición ao privado senón como o espazo do común.

2.1. **Liña estratéxica 5:** Xestión comunitaria.

2.1.1. Liña de acción 8: Plan de formación continua.

2.1.1.1. Acción 22: Realización de obradoiros para a formación en procesos participativos e coñecemento directo de experiencias levados a cabo noutros contextos

2.1.1.1. Acción 23: Titorización de procesos participativos.

2.1.2. Liña de acción 9: Articulación de procedementos de participación cidadá

2.1.2.1. Acción 24: Posta en marcha dunha experiencia piloto de xestión de equipamentos de proximidade.

2.2. **Liña estratéxica 6:** Participación veciñal.

2.2.1. Liña de acción 10: Fomentar as ferramentas de participación.

2.2.1.1. Acción 25: Activación de comunidades culturais.

2.2.1.2. Acción 26: Creación de grupos de acción cultural nos barrios.

3. Reto 3: Transformar as políticas culturais municipais.

Consideramos que o concello debe transformarse nun axente mediador en lugar dun axente programador, que a produción cultural debe descentralizarse e desestacionalizarse. Propoñemos promover unha xestión comunitaria dos equipamentos de proximidade, articulando procedementos de participación cidadá, activando comunidades culturais e facilitando a formación para a xestión comunitaria dos recursos públicos. Simultaneamente propoñemos profesionalizar, dotar de transparencia e dar autonomía xurídica e financeira aos equipamentos culturais de referencia, dotándoos dun proxecto coordinado e duns obxectivos avaliados e públicos, ademais de órganos colexiados de participación e control cidadán.

3.1. **Liña estratéxica 7:** Transformación das estruturas de goberno

3.1.1. Liña de acción 11: Competencias culturais.

3.1.1.1. Acción 27: Elaboración dun plan para trasladar fóra da concellaría de cultura as competencias en política cultural.

3.1.1.2. Acción 28: Creación dunha segunda tenencia de alcaldía como novo órgano de goberno transversal para coordinar as políticas culturais.

3.1.1.3. Acción 29: Creación dun equipo técnico que garanta a aplicación transversal da acción cultural a todos os demais departamentos

3.1.2. Liña de acción 12: Xestión dos recursos públicos.

3.1.2.1. Acción 30: Elaboración dun novo modelo de convocatorias abertas para proxectos culturais.

3.2.1.2. Acción 31: Elaboración de indicadores para medir o retorno á comunidade

3.1.3. Liña de acción 13: Democracia participativa

3.1.3.1. Acción 32: Posta en marcha da asamblea cidadá da cultura, encargada de orientar as estratexias culturais e confeccionar os orzamento

3.1.3.2. Acción 33: Creación e posta en funcionamento do observatorio cidadá da cultura, co fin de vixilar e controlar as políticas culturais

3.2. Liña estratéxica 8: Descentralización

3.2.1. Liña de acción 14: Visibilización da cultura nos barrios.

3.2.1.1. Acción 34: Realización de roteiros culturais.

18

3.2.1.2. Acción 35: Ampliación aos barrios dos festivais e programacións con participación municipal.

3.2.1.3. Acción 36: Realización de programas específicos das unidades de produción municipais nos barrios

3.2.2. Liña de acción 15: Desestacionalización da actividade cultural.

3.2.2.1. Acción 37: Establecemento dun límite máximo e mínimo de gasto en cultura por cuadrimestre.

3.2.2.2. Acción 38: Resituar no calendario algunhas actividades culturais

3.3. Liña estratéxica 9: Profesionalización

3.3.1. Liña de acción 16: Fomento da independencia e autonomía dos equipamentos culturais de referencia.

3.3.1.1 Acción 39: Elaboración dun estudo para a creación dunha fundación/axencia que permita unha xestión autónoma dos equipamentos culturais de referencia, nomeadamente o eixo Auditorio de Galicia Teatro Principal.

3.3.1.2. Acción 40: Convocatoria dun concurso público non só de méritos senón de proxecto a través dun contratoprograma para a dirección dos equipamentos de referencia.


3.4. Liña estratéxica 10: Transversalidade.

3.4.1. Liña de acción 17: Fomento das accións culturais nas distintas áreas do goberno municipal.

3.4.1.1. Acción 41: Creación dun programa de residencias de creación, investigación e innovación cultural nas escolas públicas da cidade.

3.4.1.2. Acción 42: Implantar un programa de intervencións artísticas en lugares, zonas e elementos urbanos para levar as manifestacións contemporaneas da arte ás ruas e os barrios.

3.4.1.3. Acción 43: Elaboración de guías, e percorridos pola cidade ou proxectos de intervención cultural que diversifiquen a oferta da cidade promovendo aspectos xeralmente descoñecidos ou desatendidos de Compostela como o seu patrimonio contemporáneo, natural, científico, sonoro, etc.



CHAVE 6. EDUCAR CON CALIDADE PARA TERMOS FUTURO

Unha educación para todas as persoas e ao longo de toda a vida.

A educación pública, universal e gratuita é a única garante do dereito universal á educación en condicións de igualdade e democracia, e base dunha sociedade máis xusta conformada por unha cidadanía máis libre e máis crítica.

Esta proposta defende unha educación pública galega, de calidade, inclusiva e laica. Laica, porque a neutralidade da escola é esencial para garantir un marco convivencial democrático, con independencia da relixión de nenos e nenas e das súas familias.

Entendemos a educación dun xeito amplo, non pensamos restrinxila a un departamento do concello, queremos que estea presente en todas as rúas, os parques, as dependencias municipais, as parroquias,... en todo o concello. Ten que empapar a vida diaria das compostelás e dos composteláns. Como se recolle nesta proposta, pretendemos intervir planificando, facendo prospección educativa, conservando e mellorando a calidade dos centros escolares, garantindo a escolarización plena, o equipamento e os recursos didácticos das escolas municipais, colaborando na programación de novas necesidades, promovendo o desenvolvemento dos servizos educativos complementarios, as funcións socioformativas, as compensadoras, combatendo a desigualdade, a pobreza e a exclusión tamén desde a educación, a aprendizaxe e o goce da música e a danza, a función orientadora, a extraescolar, o lecer formativo ou a alfabetización audiovisual, entre outras.

VALORES OU PRINCIPIOS FUNDAMENTAIS NOS QUE SE BASEA ESTA PROPOSTA.

20

- Educación Pública.
- De calidade.
- Laica.
- Promotora da Igualdade.
- Participativa.
- Inclusiva.
- Galega Cooperativa

RETOS EDUCATIVOS DA CANDIDATURA PARA A LEXISLATURA

1. Reto 1: Unha educación aberta a toda a cidadanía.

Facer dos centros escolares auténticos espazos de encontro e participación educativa complementarios da actividade lectiva, con programas educativos, culturais, deportivos e sociais, deseñados e programados pola cidadanía e a comunidade educativa.

Apostar decididamente pola participación do profesorado, dos pais e as nais, o alumnado, o persoal non docente e a propia administración municipal no Consello escolar do centro, para ser o nexo de unión entre a escola e o entorno, achegando os centros ao concello e viceversa, para velar polo cumprimento dos dereitos de todos os sectores da

comunidade educativa, representados e activos no Consello escolar municipal, participando conxuntamente no seguimento dos Consellos escolares, na elaboración e no desenvolvemento dos Poxectos educativos dos centros e na promoción das escolas de pais e nais.

Promover a creación e pór a funcionar estruturas estables de participación política en materia educativa, desenvolvendo as competencias do Consello escolar municipal, á súa consulta imprescindible e a participación activa de todos os sectores.

Liña estratéxica 1: Redimensionar a dotación do departamento de educación municipal acorde coa relevancia, xestión, programas e servizos que ten que desenvolver. Incremento sostido dos orzamentos en materia educativa para programas e servizos. Impulsar á planificación e diagnose de necesidades.

Acción 1.1: Priorizar a área de educación e a xestión do departamento cos recursos materiais e humanos necesarios establecendo plans e programas transversais en asuntos como: lingua, deportes, mocidade, ocio e lecer, igualdade de xénero, cultura de paz, formación, educación ambiental, espazos públicos e municipais, convivencia...

Acción 1.2: Incrementar os orzamentos municipais en materia educativa, de forma progresiva e sostible ao longo da lexislatura.

Liña estratéxica 2: Mellorar e favorecer a participación da cidadanía nas decisións en materia educativa.

Acción 2.1: Reunir de maneira estable e desenvolver as competencias do Consello escolar municipal para elaborar e acordar nos primeiros tres meses, un novo Regulamento de Funcionamento e un programa de medidas urxentes coparticipado pola comunidade educativa.

Acción 2.2: Potenciar a creación e fortalecemento de escolas de nais e pais municipais, entendidas coma un espazo de formación, prevención e participación democrática.

Liña estratéxica 3: Optimización do uso dos centros educativos e mellora das instalación que nos competen, aumentando o número e a titularidade pública na medida do posible.

Acción 3.1: Plan de utilización dos centros educativos públicos fóra do horario escolar acordado no Consello escolar municipal para o desenvolvemento de actividades pedagóxicas, lúdicas e sociais.

Acción 3.2: Ampliar e dotar de escolas infantís municipais ao longo da lexislatura, empezando por Santa Marta e o Castiñeiriño.

Acción 3.3: Plans Plurianuais de Mantemento e mellora dos centros escolares, garantir a equidade e a non discriminación. Ditos Plans serán discutidos e elaborados de forma participativa polo Consello escolar municipal con protocolos concretos de mellora da rede escolar.

Acción 3.4: Potenciar o uso da escola municipal de música mellorando a súa infraestructura e equipamento, e facilitando o acceso á mesma e a máxima colaboración cos centros escolares. Implantar estudos de danza, teatro e artes escénicas.

Acción 3.5: Apoiar á Escola oficial de idiomas para a construción dun novo edificio.

Liña estratéxica 4: Empregar a educación como axente potenciador da igualdade.

Acción 4.1: Abrir, no seu caso, os comedores escolares durante os períodos vacacionais.

Acción 4.2: Mellorar a convivencia escolar, igualdade de xénero, interculturalidade e mediación. Atención á educación afectivo-emocional.

Acción 4.3: As comisións de escolarización teñen que funcionar con claridade de criterios, evitando a zonificación, equilibrando as matrículas para evitar casos de densificación ou casos de redución.

Acción 4.4: Plan de medidas especiais contra da discriminación e atención á diversidade e á inclusión.

Liña estratéxica 5: Priorizar a defensa e potenciación da escola pública coma garante da igualdade, en todos os escenarios nos que sexa posible.

Acción 5.1: Elaboración dun Plan director de coordinación de servizos educativos para evitar os actuais desequilibrios entre a escola pública e a privada concertada para así evitar desigualdades e aplicar a lexislación vixente en condicións de equidade.

Acción 5.2: Recuperar a xestión pública do persoal de servizos, onde sexa posible, daqueles centros onde estea externalizada a unha contrata privada.

Acción 5.3: Ampliar a rede de escolas infantís municipais. Reestructuración do mapa escolar en base a un criterio de equilibrio na súa distribución xeoespacial, adecuándose a oferta na rede pública á demanda existente.

Acción 5.4: Atención preferente ós comedores escolares, inclusión no prego de condicións, a defensa do comercio de proximidade, os plans de nutrición, a utilización de produtos ecolóxicos e a formación específica do persoal de comedor.

2. Reto 2: Un concello educador nunha Cidade educadora

Queremos que Compostela sexa un concello educado e educador, (xa que, só no papel, forma parte da rede internacional de Cidades educadoras desde hai anos), unha cidade coñecida e recoñecida polo seu alumnado porque, efectivamente, a cidade educa e a cidade edúcase coa participación activa da súa cidadanía no coñecemento da súa historia propia, da súa lingua e cultura, do seu patrimonio cultural e artístico,

Compostela aberta á educación, á universidade e ao mundo. Non sacamos o suficiente partido á nosa singularidade histórica, cultural e artística. Somos, como dixemos, unha cidade educadora, unha cidade patrimonio da humanidade, unha cidade distinguida pola UNESCO, unha cidade que di defender a cultura dos dereitos humanos, que forma parte do eixo atlántico ou que ten asinado, entre outras declaracións, a de Aalborg, a Axenda 21 para a sostibilidade... Nada se fixo en relación coa función educativa e educadora do noso concello.

Toda a comunidade que vive nun concello participa da dimensión educadora. Aí, no espazo público, sexa cal sexa a súa entidade, é onde se activan os valores que se adquiren. Tendo en conta a implicación, a formación, o coñecemento e a participación daremos forma ao Proxecto de concello educador.

Liña estratéxica 1: Recuperar e pór en marcha o programa “Compostela cidade educadora”.

Acción 1.1: Espazo público educador: parques e xardíns, prazas públicas teñen un enorme potencial educador. Programas especiais de animación á lectura, escenificacións de guiñosis, xogos de cooperación, dinámicas teatrais, maxia servirán para converter estes espazos en escenario de cohesión social e cultural.

Acción 1.2: Cumprimento dos estándares internacionais de Santiago de Compostela como cidade intelixente.

Acción 1.3: Incorporación a programas europeos de especial interese para a cidade, como por exemplo, o de turismo patrimonial ou o Learning da UNESCO sobre comunidades de aprendizaxe.

Liña estratéxica 2: Compostela coma espazo de cultura de paz, convivencia e dereitos humanos. Colaboración con entidades e asociacións que traballen nestes ámbitos.

Acción 2.1: Impulsar á sensibilización e divulgación das cartas e declaracións internacionais: dereitos humanos, carta da terra, tolerancia, democracia...

Acción 2.2: Potenciar a educación para a cooperación e o desenvolvemento en colaboración coa Coordinadora galega de ONG«s para o desenvolvemento.

Acción 2.3: Pór en marcha prácticas municipais en políticas de paz: desarmar e desmilitarizar o concello, non colaboración con suxeitos políticos ou sociais que perpetúen a cultura da violencia, que os valores de paz ocupen os espazos públicos, colaboración internacional entre concellos en materia de paz, etc.

Acción 2.4: Implementar plans educativos de inclusión e contra da pobreza. Axudas específicas a familias sen recursos para material escolar e actividades extraescolares.

Liña estratéxica 3: Planificar, elaborar e pór en práctica unha programación educativa complementaria ao sistema educativo e que cubra as súas carencias.

Acción 3.1: Programa de educación ambiental. Impulsar o coidado ambiental e social. Ampliar a oferta do programa anual de hortos escolares, ciclo da auga, xestión de residuos...

Acción 3.2: Itinerarios artísticos e culturais, realizar festivais de música, teatro e danza; como procesos de dinamización socioeducativos no concello e na rúa.

Acción 3.3: Oferta pública de programas educativos e formativos municipais sobre educación artística, musical e audiovisual.

Acción 3.4: Programa de educación nos valores cívicos e democráticos, na educación vial, educación para a paz, igualdade, convivencia, cidadanía, dereitos humanos, desenvolvemento, cooperación, interculturalidade, educación ambiental...

Acción 3.5: Impulsar programas de alfabetización e de formación das persoas adultas.

Acción 3.6: Ampliar a oferta de educación para o lecer e o tempo libre con escolas de verán, nadalxogo, campamentos urbanos, en galego e en inglés, nos periodos non lectivos, para contribuír e facilitar a conciliación entre a vida laboral e persoal.

Acción 3.7: Impulsar a educación para a saúde con actividades dirixidas ó alumnado pero tamén a pais e nais, por medio das escolas de nais e pais, sobre alimentación saudable, actividade física e deportiva, afectivo emocional, prevención de enfermidades alimentarias, dependencias, etc.

Acción 3.8: Fomentar o coñecemento do concello, do seu patrimonio material e inmaterial, desde a música tradicional ós xogos populares, así como os seus valores artísticos e culturais, co obxecto de promover o coñecemento do significado de vivir nunha concello patrimonio da humanidade e facilitando, por medio de intercambios educativos e culturais, o coñecemento doutras cidades patrimonio.

Liña estratéxica 4: Colaborar con entidades e asociacións facilitando a vertebración da sociedade civil.

25

Acción 4.1: Apoiar ás entidades da sociedade civil e á súa vertebración.

Acción 4.2: Impulsar o cooperativismo e á cooperación en materia educativa, universidade, centros educativos, entidades sociais.

Acción 4.3: Fomentar a divulgación e intercambio de recursos educativos en materia de paz, dereitos humanos, convivencia escolar, cooperación ao desenvolvemento e interculturalidade.

Acción 4.4: Impulsar o recoñecemento das boas prácticas en materia educativa, cooperación e a solidariedade entre a cidadanía por medio de premios específicos que recoñezan o labor social das entidades e persoas.

Acción 4.5: Crear unha Universidade popular, de xeito cal que calquera persoa poida ser docente dunha materia na que sexa experta(Cociña, costura, idiomas, manualidades, etc...)

Liña estratéxica 5: Colaborar e apoiar á USC.

Acción 5.1: Solicitar á Universidade a posta en marcha de horarios nocturnos para persoas traballadoras.

Acción 5.2: En colaboración coa Universidade, recuperar os campus para o lecer cidadá.

Acción 5.3: Apoiar á USC nas súas xustas reivindicacións diante da Xunta de Galicia en materia de financiamento, titulacións ou recuperación de alumnado.

Acción 5.4: Contribuír a poñer a Universidade no centro da cidade e de Galicia mediante acordos de colaboración, sensibilización e apoio en servizos e programas, especialmente, de aqueles que permitan o desenvolvemento económico.

Acción 5.5: Recuperar os campus como espazos de lecer municipal, empezando polas grandes avenidas da Residencia colaborando no seu mantemento. Eliminación progresiva do aparcadoiro en superficie coa construción de aparcamentos soterrados.

Acción 5.6: Pór en marcha un transporte público intercampus.

Acción 5.7: Incentivar Santiago como concello congresual.

Acción 5.8: Apoiar a proposta de implantación dun Campus da cidadanía.

26

Acción 5.9: Asinar convenios marco de colaboración para a utilización conxunta de espazos universitarios.

Reto 3: A Cidade dos nenos e nenas

Compostela vense convertendo nos últimos anos nun concello na que os coches e o cemento vanse impoñendo e gañando os espazos principais das zonas públicas, volvéndose un concello “enemigo” das persoas, principalmente dos nenos e das nenas.

Nesta proposta tentamos recoller o proxecto de “Cidade dos nenos” de Francesco Tonucci e recuperar a cidade, as rúas para as persoas, tomando como parámetro do plantexamento urbanístico o neno e a nena, en lugar do adulto ou adulta. Trátase de aceptar a diversidade intrínseca do/a neno/a como garante de todas as diversidades, xa que una cidade apta para os nenos e as nenas, serán para todas as diversidades.

Que os nenos e as nenas poidan saír sos e soas de casa, que poidan percorrer as rúas sos e soas, vivir experiencias propias, que podan ir visitar os seus amigos e as súas amigas, parentes, que poidan ir nos autobuses do rural á cidade e viceversa.

Liña estratéxica 1: Dar a palabra os nenos e as nenas, para que sexan escoitados e escoitadas e tidos e tidas en conta na administración.

Acción 1.1: Crear do consello escolar da infancia.

Liña estratéxica 2: Repensar a cidade para facela axeitada os nenos a as nenas cambiando o seu plantexamento.

Acción 2.1: Pór en marcha o programa “Camiño da escola” para facilitar que nenos e nenas recuperen a volta á clase camiñando, empezando polos CEIP Pío XII, As Fontiñas e López Ferreiro para logo

Acción 2.2: Facer estudos de mobilidade para os nenos e nena, peonalización de rúas.

Acción 2.3: Mellora dos parques infantís, deseñados de costas á diversión e á experiencia dos nenos e nenas e que buscan a falsa sensación de “seguridade”

Acción 2.4: Inmediata posta en funcionamento do Centro de recursos á lectura e ó xogo de Fontiñas (Ludoteca)

Acción 2.5: Establecer protocolos de actuación entre os centros de primaria e os institutos de referencia que faciliten a transición, a acollida e a integración do alumnado.

27

COMPOSTELA ABERTA AO DEPORTE. UNHA CIDADE EN BOA FORMA.

- As actividades deportivas son unha das principais actividades de lecer e de busca de calidade de vida no noso Concello. Un ocio que repercute positivamente no benestar, na saúde e na propia calidade de vida de quen o practica alén de ser un dos principais campos de socialización e desenvolvemento do asociacionismo. Tampouco esquecemos a importancia que supón para Santiago contar con varios clubs que compiten en categorías de alto nivel á hora de promover a imaxe, como elemento de fomento da identificación coa cidade por parte dos seus propios habitantes e como exemplo positivo para animar a maior número de persoas a se iniciar nas prácticas deportivas.
- Entendemos que o papel do Concello debe ser o de facilitar e fomentar as prácticas deportivas, tanto a través do fornecemento de dotacións infraestructurais como de programas de promoción, así como o de colaborar cos clubs e federacións radicados na cidade.
- Un compromiso ético co deporte.

- A nosa concepción das políticas deportivas está inspirada polos mesmos valores que impregnan e orientan o conxunto do noso programa político. Neste senso é lóxico que un dos nosos obxectivos sexa o de superar os erros que anteriores gobernos municipais teñan cometido, especialmente no referente a prácticas de dubidosa ética e absolutamente faltas de transparencia.
- Temos a vontade de axudar a consolidar o tecido deportivo de Compostela mais achamos absolutamente contradictorio con esta intención o emprego de atallos que a medio e longo prazo poidan repercutir negativamente neste obxectivo.

As nosas propostas

Infraestruturas deportivas

- O Concello tenderá a recuperar a xestión directa das diferentes infraestruturas actualmente xestioandas por subcontratas.
- Elaborarase un estudo sobre o uso e demanda das infraestruturas existentes para planificar a súa xestión e a necesidade de novas dotacións.
- Actuación prioritaria sobre o mantemento e mellora antes da construción de novos equipamentos.
- Adecación das instalacións existentes e deseño das novas que se constrúan aplicando criterios de sustentabilidade e aforro enerxético, accesibilidade para persoas con discapacidade e criterios de usos mixtos da instalación desde a perspectiva de xénero.
- Cobertura wi-fi nas instalacións deportivas.

28


Participación

- Crearanse canais de comunicación co tecido asociativo da cidade vencellado ao deporte no camiño de facilitar a codecisión de todos os agentes implicados nas políticas deportivas.
- Recuperaremos o Consello do deporte de Compostela, cunha representación de todos os deportes presentes no Concello. Con capacidade consultiva e como control a área de deportes do Goberno.
- Orzamentos participativos por áreas ou deportes.

Promoción

- O Concello desenvolverá programas de promoción da práctica do deporte específicos atendendo ás diferentes franxas de idade.

- Prestarase especial coidado á franxa da terceira idade para implicalos nunha práctica deportiva acaída para a súa condición e que redunde nunha maior calidade de vida.
- Darlle pulo aos deportes minoritarios e emerxentes. Consegui que haxa unha variedade maior de especialidades deportivas que se practiquen de xeito regular no noso Concello. Para isto o Concello disporá dunha bolsa de equipamento deportivo que poderá prestar a estas entidades de nova creación.
- Máis aló disto, facilitarase, na medida do posíbel, o uso dun local municipal como sede do equipo e para xuntanzas do mesmo e o uso das instalacións municipais para competicións e adestramentos.
- Aplicaranse políticas de fomento da práctica deportiva como factor de integración de colectivos desfavorecidos e marxinalizados.
- Apoiar con todos os recursos posíbeis os deportes femininos e mixtos, tanto a nivel profesional como a nivel non competitivo asociado ao lecer ou á calidade de vida.
- Creación da feira do deporte de Santiago. Na que unha vez o ano todos os clubs e practicantes do deporte no Concello amosen ao resto da poboación os seus clubs ou deportes.
- En colaboración cos diferentes equipos ciclistas da cidade realizar unha campaña de concienciación e potenciación do uso da bicicleta e de seguridade vial.
- Marcar circuitos e percorridos de BTT no Monte Pedroso e outros montes do Concello de diferentes niveis de dificultade coa colaboración dos propios clubs ciclistas. Isto complementaríase con circuitos de cicloturismo e rotas de sendeirismo por todo o Concello o que axudaría ao coñecemento das diferentes parroquias do rural e como potencial uso turístico.



CHAVE 7. ACADAR A SUSTENTABILIDADE PARA ASEGURAR O PORVIR

O proceso de crise ao que asistimos non repercute só e directamente nos aspectos económicos e sociais, senón tamén nos ambientais que, á súa vez, repercuten nos anteriores. O modelo económico baseado no consumo sen medida de recursos e a emisión continua de contaminantes non é viable no curto, no medio e no longo prazo. O noso planeta ten límites e debemos adaptármonos a eles. Ou el acabará prescindindo de nós.

O municipio é, despois do fogar, o ámbito máis próximo de acción para incidir en políticas que permitan reconducir o proceso de degradación ambiental de orixe humana. Está pois, nas nosas mans, frear este camiño e abrir espazos para un modelo máis sustentable. Estamos a tempo de mudar e corrixir o que mal facemos, no interese dunha vida máis san e viable na terra.

Debemos camiñar cara o cambio de paradigma e potenciar o local, o próximo en todas as súas facianas: na enerxética, na mobilidade, na alimentación, na relación e xestión dos residuos. Cómpre iniciar un proceso de aprendizaxe colectivo que facilite a transición cara un municipio con pouca contaminación e pouco contaminante, baseado nas enerxías renovábeis, na re-utilización e a reciclaxe, rico en biodiversidade, humana e non-humana. Un municipio, que aporte tanto como reciba e que lidere unha transición cara a sociedade pos-petróleo. Pódese, é obriga, facelo desde o local.

Compostela Aberta propónse 10 retos por diante en materia de sustentabilidade:

1. Transparencia e participación encamiñada á diagnose

2. Divulgación de datos medioambientais certos
3. Educación medioambiental
4. Xestión pública da auga e acadar o 100% na depuración de augas residuais
5. Residuos
6. Enerxía e cambio climático
7. Aire
8. Biodiversidade
9. Soberanía alimentar
10. Compra pública responsable

Cada un destes retos leva incorporadas liñas estratéxicas e de acción que os desenvolverán co fin de situar a sensibilidade co medio como elemento nuclear da actividade municipal.

Consideramos imprescindible implicar á cidadanía toda no proceso cara a sustentabilidade, creando unha estrutura administrativa de educación medioambiental. Todas as accións de goberno contarán, de xeito transversal, coa consideración nesta materia e con criterios de sustentabilidade.

A auga é un asunto totalmente prioritario”, comenta Xan Duro. A Asamblea Xeral das Nacións Unidas do 26 de Xullo de 2010 declarou “o dereito á auga potable e aos saneamento como un dereito humano esencial para o pleno gozo da vida e de todos os seres humanos”.

Con este principio irrenunciabile atallarase a problemática xerada coa privatización, inxusta economicamente e potencial fonte de corrupción, recuperando a xestión pública do servizo para optimizar custos e reverter no ben común os réditos reducindo, ademais, o consumo dela na cidade, particularmente a destinada a parques e xardíns.

O control estrito dos verquidos será esencial para recuperar calidade das augas. E establecerase unha fiscalidade progresiva sobre o consumo taxable que permita premiar a redución do consumo.

Coa xestión dos residuos traballarase na mesma liña: camiñar cara a xestión municipal e aplicar estratexias que permitan a separación domiciliaria, a recollida selectiva en orixe.

Quen contamina paga, como principio.

A nivel enerxético, de aire e biodiversidade artellaranse criterios destinados á mellora do rendemento. Compostela Aberta auditará o consumo eléctrico do alumado público, camiñando cara a redución, adquiriranse equipamentos con máxima eficacia enerxética para ir renovando os actuais, incorporando fontes de enerxía renovables. Controlaranse as emisións, asumindo os parámetros da OMS como

referentes para avaliar a calidade do aire. Liñas de actuación programáticas encamiñadas á conservación da bio-diversidade e o control das especies bio-invasoras.

Compostela Aberta promoverá Compostela como “Concello Libre de Transxénicos”, evitando cultivo e consumo no seu territorio. Potenciaráse o comercio local e de proximidade.

No noso programa pódense ler as liñas de actuación prioritarias en canto a sustentabilidade, que será unha chave esencial para facer de Santiago un lugar moito máis habitable e responsable”, comenta Xan Duro.



CHAVE 8. CONQUISTAR A IGUALDADE PARA VIVIR MELLOR

Introdución

A igualdade de oportunidades entre mulleres e homes supón un dereito básico recollido en diferentes normas e leis.

Aínda así, con frecuencia, semella máis unha declaración retórica de intencións, que un obxectivo decidido de transformación das desigualdades vixentes. O papel adxudicado tradicionalmente ás mulleres en relación ao coidado da infancia, persoas enfermas e maiores ten consecuencias directas para a vida persoal, laboral e social das mulleres. É necesaria unha intervención pública e cidadá sistemática e integral que remova os obstáculos e evite a discriminación por razón de sexo, unhas políticas que garantan a igualdade real entre mulleres e homes, a igualdade de responsabilidades e dereitos. Por iso, dende Compostela Aberta comprometémonos a que as políticas de xénero impregnen toda a acción municipal, que haxa propostas en todos os

ámbitos ao tempo que se apliquen medidas específicas destinadas á mellora da situación das mulleres.

Obxectivos e desafíos

Os principais obxectivos para Compostela son:

1.- Coñecemento da situación local das mulleres no campo laboral, legal, educativo, sanitario, sociocultural, político.

Acción: Creación do observatorio da igualdade para obter datos actualizados que permitan coñecer liñas urxentes de actuación.

2.- Incorporación plena das mulleres ao mercado laboral.

Acción: Programa de formación e incorporación das mulleres ao traballo remunerado

Específico:

Actuacións que garantan o acceso e permanencia das mulleres no mercado de traballo en condicións de igualdade.

Mellora das condicións laborais en áreas de emprego feminizadas.

3. Valorar o traballo invisible non remunerado das mulleres e corresponsabilizar á cidadanía nesas tarefas que son imprescindibles para o funcionamento da sociedade.

Acción: Programa de responsabilidade social dos coidados Programa sobre os tempos e horarios da cidade.

Específicas:

Elaboración dun Mapa de coidados que identifique as prioridades para avanzar na construción dun sistema público de coidados de persoas dependentes (incluída infancia) que sexa universal e loite contra a subcontratación e precarización das persoas que fan este traballo.

Elaboración dun Mapa de tempos e Horarios do concello que identifique as prioridades e necesidades (accesibilidade, mobilidade , conciliación) das persoas na súa vida cotiá.

4. Fomento da participación sociopolítica das mulleres.

Acción: Creación do Consello das mulleres

Específica: Elaboración do Plan de Igualdade 2015-2018 baixo un proceso dinámico e participado encamiñado a un cambio social necesario.

5. Recoñecemento de dereitos sexuais e reprodutivos e diversidade sexual

Acción: Programa de información, sensibilización e atención en materia de dereitos sexuais e reprodutivos e diversidade sexual.

Específicas:

Apoio ao dereito ao aborto e a saúde sexual e reprodutiva, a través do CIM.

Programas de educación afectiva e sexual a través dos servizos socio-comunitarios e de mocidade do Concello, así como dos centros educativos ou residenciais para persoas dependentes.

Formación para as persoas profesionais dependentes do Concello que poidan ter relación con esta cuestión.

34

6. Erradicación da violencia de xénero.

Acción: Programa de prevención, atención e protección en materia de violencia contra as mulleres.

Específicas:

Plan integral contra a violencia machista que inclúa protocolos de atención e coordinación así como protocolos de resposta antes as agresións sexistas.

Garantía de cobertura de servizos e axudas , con especial atención á mulleres en situación de discriminación múltiple.

Formación para as persoas profesionais dependentes do Concello que poidan ter relación con esta cuestión.



CHAVE 9. ACTIVAR RECURSOS PARA UNHA ECONOMÍA SOLIDARIA

Promoción económica e emprego

As persoas deben servirse da economía, e non a economía das persoas. Santiago, coma todas as cidades, sufriu durante a última década transformacións causadas polo tipo de crecemento do sistema económico capitalista e a burbulla inmobiliaria e financeira. Do mesmo xeito que **teñen aumentado as desigualdades sociais, en paralelo, alargáronse as diferenzas entre os barrios da cidade e entre a cidade e o rural.**

Ao mesmo tempo a facenda municipal foi comprometida por unha dobre política: por unha banda, os sucesivos gobernantes liberaron ás rendas altas e aos multi-propietarios de tributar conforme á súa elevada capacidade económica e optaron por desenvolver figuras fiscais indirectas que gravaban por igual a todo o mundo independentemente da súa renda.

Doutro lado, o gasto público non se centrou naquelas áreas e departamentos que axudarían efectivamente a reducir as desigualdades senón que alimentaron gastos ostentosos e innecesarios, en moitos casos dirixidos ás capas máis acomodadas e minoritarias da poboación, cando non directamente a engordar as contas de resultados de grandes empresas e consultoras e, con elas, os petos dos amigos.

A razón de ser de Compostela Aberta céntrase na redución das desigualdades sociais, económicas e territoriais desde un novo modelo de cidade que poña por diante as persoas, as familias, os colectivos e os barrios máis agredidos.

O Concello debe redirixir os abondosos recursos ociosos que existen na cidade para destinalos a unha nova política municipal que impregne todos os ámbitos sectoriais de actuación e que se traduza no beneficio da maioría da poboación, con atención especial ás novas xeracións, ás mulleres e aos desempregados de longa duración.

A administración local é o primeiro lugar onde se debe defender o contrato social entre as persoas poderentes e as necesitadas. É aí onde o Concello debe liderar esa tarefa de xustiza social, garantindo os dereitos básicos da cidadanía: vivenda e traballo dignos, facenda municipal progresiva, equitativa e suficiente, redistribución efectiva da riqueza atendendo aos principios de equidade, suficiencia e progresividade fornecedora para o Concello dos recursos necesarios para atender as súas competencias e as necesidades sociais máis urxentes.

Compostela Aberta ten como obxectivo primordial e constante activar e mobilizar todos os recursos dos que dispón o Concello e aprobar un Plan negociado cos axentes sociais locais, de incentivo á creación de emprego. Para democratizar realmente a economía debe priorizarse tamén a incorporación plena das mulleres ao mercado laboral e valorar o traballo invisible non-remunerado. Colaborar con institucións e empresas para crear e consolidar emprego con valor engadido será imprescindible nesta tarefa.

Nos últimos anos os representantes do Concello, electos e non electos, estiveron demasiado ocupados en resolver os seus asuntos persoais desatendendo aos do común da cidadanía.

Perdéronse anos valiosos xusto no peor momento dunha crise que se fai demasiado longa e que xa non é crise se non un modelo para unha nova sociedade con maior desigualdades.



CHAVE 10. MANTER A VITALIDADE PARA LOGRAR A CONVIVENCIA

Turismo sustentable na cidade histórica

Compostela Aberta sabe que o turismo é un dos principais sectores económicos en Santiago, por iso entendemos que debe ser tamén un sector que sexa un exemplo de desenvolvemento planificado e controlado.

37

Para Compostela Aberta hai catro liñas fundamentais de actuación:

1. Moratoria de apertura para novos locais que liberen a especulación na Cidade Vella.
2. A regulación das zonas novas saturadas, para fomentar o comercio local de base tradicional.
3. Desbotar a idea de instalación de máis locais de ocio no mercado de abastos para que siga sendo un lugar de comercio tradicional e de intercambio entre a cidadanía.
4. Modificación da normativa sobre terrazas para eliminar a privatización do espazo dentro dunha cidade que é patrimonio da humanidade, o que é unha cuestión contradictoria.

O turismo como factor económico implementouse nos últimos anos coa chegada das novas tecnoloxías (TIC), que permitiron ofrecerlle ao mundo unha imaxe determinada da cidade dirixida aos mercados internacionais. Eses mercados foron capaces de valorar a oferta turística do noso concello.

Queremos traballar en dúas liñas relacionadas entre elas.

1. A primeira liña é ir **do local ao global**, creando unha oferta turística de calidade, baseada na autenticidade de Santiago como concello vivo, patrimonial, cultural e hospitalario. **A cultura e o medio ambiente como eixos transversais para definir un desenvolvemento turístico auténtico e sustentábel a longo prazo.**
2. A segunda liña é a que vai **do global ao local**, definindo distintos segmentos de mercado nacionais e internacionais susceptibles de valorar a autenticidade do destino que é Santiago, e corresponder á hospitalidade integrándose no estilo de vida compostelán e participando das distintas tradicións, manifestacións e intervencións culturais e de lecer que ofrece o concello e arredores.

Somos conscientes da necesidade dunha política de transversalidade que sume as sinerxias entre os departamentos de emprego e promoción económica para permitir a inserción laboral no sector turístico. Esta política sería acorde coas necesidades de recursos humanos dentro do sector, accións de intermedia ción laboral segundo perfís laborais de xente desempregada no concello e un plano de formación para a mellora dos servizos turísticos.

A sensibilidade aos conflitos de interese no ramo turístico fainos ver a necesidade de abrir canles de diálogo entre os axentes implicados nesta área económica. O cerne de calquera política turística desenvolvida debe responder a un consenso sobre a articulación dunha estratexia coherente e adaptada ás distintas sensibilidades da poboación local e ás tendencias dos públicos obxectivo de interese para Santiago.

Entre os valores que inspiran esta proposta están os de transparencia, participación, accesibilidade, transversalidade, desestacionalización, descentralización e diversidade.

Desenvolveremos unha auditoría cidadá do plan estratéxico de turismo de Santiago 2010-2015. Contaremos para iso coa creación dun foro multisectorial de turismo e un observatorio do turismo. Transmitiremos unha visión positiva desta industria entre a cidadanía. Implicaremos ás diversas asociacións e colectivos do noso concello para definirmos novas accións turísticas que non só se centren na Cidade Histórica.

Novo modelo

É importante a reorientación do modelo turístico priorizando a calidade fronte a cantidade, apoiando pequenas iniciativas turísticas nadas desde a sociedade, facilitar o acceso universal dos e das turistas aos recursos, dinamizar a Zona Histórica e desenvolver Compostela como Concello Verde. Por último, penalizaríamos a especulación sobre os

prezos no casco histórico e fomentaremos o aluguer dos baixos comerciais.

Todas estas actuacións queren crear un equilibrio e unha harmonía entre a vida diaria no concello de Santiago e o fluxo de visitantes que se achegan a el. Por iso, vemos a necesidade de desenvolver un turismo non só de grandes eventos e actividades efémeras, senón un turismo diferente ao que tivemos ata o de agora, fastuoso e lonxe da vida diaria das persoas que vivimos neste concello.



CHAVE 11. CREAR NOVAS CENTRALIDADES PARA VERTEBRAR O TERRITORIO

Non hai lugar para unha Compostela pensada á marxe dos seus barrios e parroquias. Teimouse en illar a cidade da súa contorna rural. Quíxose facer medrar o seu centro deixando esmorecer os vellos barrios. Na cartografía do PP, un deserto arrodea a cidade. Moitas das novas centralidades construídas nos últimos anos en Compostela son lugares para o consumo, non para a vida en común.

Precisamos de novas centralidades orientadas a revitalizar urbanística, cultural, económica e comunitariamente os nosos barrios e parroquias. O concello debe ser unha rede que conecta e non segrega; que dinamiza e complementa; que se reconece nas singularidades de cada barrio e se compromete na procura dun futuro para as súas parroquias rurais; que socializa, distribúe e descentraliza equipamentos, servizos e investimentos co obxectivo de fortalecer o tecido comunitario como condición imprescindible de solidariedade e calidade de vida.

Compostela precisa de intervencións singularizadas que coiden dos espazos públicos favorecedores a socialización nos nosos barrios. Repensar Compostela como cidade dos barrios pasa por promover as conexións peonís e un mellor trazado das rutas e frecuencias do transporte público, e tamén por unha ordenación do estacionamento que favoreza, e non disuada, o acceso aos barrios. Cómpre avaliar o estado dos equipamentos socioculturais e promover ao seu carón un mesto tecido asociativo. A dinamización comunitaria debe ser pensada para as persoas e debe ser pensada polas persoas no seu barrio. O seu desexo ha de ser a forza que dinamice socioculturalmente os barrios.

A grande economía de Compostela deseñouse sen considerar a microeconomía dos barrios. Fascinados polas «millas de ouro» e grandes centros comerciais, desatendeuse o pequeno comercio. Hai unha economía á escala dos nosos barrios que debe ser reforzada con estratexias de localización de novas empresas e a diversificación de actividades, conexións ou minguas Fiscais e apoiando formas de economía colaborativa. Os barrios son o mellor ecosistema para as microempresas e as iniciativas locais de autoemprego.

A recuperación do agro como valor engadido para a cidade é un obxectivo central de Compostela Aberta. Queremos poñer fin ao illamento das zonas rurais. Impulsaremos a integración administrativa e social do agro e a dinamización das actividades agrogandeiras e forestais como fronte de riqueza. Non hai futuro para as parroquias rurais que non pase por darlle valor á terra e aos seus produtos.

A cidade ten contraído unha gran débeda co rural. Agora é obrigado garantir un investimento sostido do concello para achegar os seus servizos básicos aos estándares de calidade e cobertura das zonas urbanas e modular as cargas fiscais en función dos servizos prestados realmente.

Somos nós tamén quen decidimos que consumir. Está na nosa man reforzar a nosa economía agraria mercando produtos locais de proximidade, favorecendo un consumo responsable e comprometido coa sustentabilidade das nosas explotacións agrogandeiras e os seus produtos alimentarios de calidade.



**DESEÑAR UN NOVO MODELO
PARA UNHA GRAN CAPITAL**

CHAVE 12. DESEÑAR UN NOVO MODELO PARA UNHA GRAN CAPITAL

Da política do formigón á cidade para as persoas

Compostela Aberta ten un fermoso roteiro escrito para a transformación desta cidade. Un guiión realizable, no que a vivenda deixa de ser prerrogativa duns poucos actores principais, onde os ciclistas abandonan o papel de figurantes sen texto e gañan protagonismo, no que alguén borrou as desigualdades inxustas entre barrios e persoas que os gobernos anteriores escribiran para as súas corrompidas comparsas e operetas.

“A transformación da cidade xa non pasa polo cemento, senón por mellorar o construído, os barrios e o rural con absoluta transparencia e escoitando á veciñanza”, insiste Jorge Duarte, número 3 da candidatura de Compostela Aberta e arquitecto que viviu en primeira persoa a crise da burbulla inmobiliaria. Carreira do Conde, Galeras, Basquiños... todos poden falar de obras impostas, moitas delas innecesarias ou mal plantexadas, e executadas ao ritmo que impoñen os réditos electorais. Formigón sen diálogo. Políticas doutros tempos.

A beleza da cidade para todos

Nunha cidade cun censo de máis de 10 mil casas baleiras as políticas de Compostela Aberta favorecerán o acceso á vivenda de todos os sectores da poboación, castigando mediante impostos os movementos especulativos e reinvertindo as plusvalías urbanísticas en vivenda de promoción pública. Por iso entre as medidas que figuran no programa está a de crear un **parque público de vivendas en alugueiro** e a

de manter unha nas novas urbanizacións. “Ademais colocáremonos da beira dos máis débiles acompañando como mediadores ás familias afectadas por desafuzamentos bancarios”, explica Duarte.

No marco desa cidade habitable para todos e para todas, o proxecto de Compostela Aberta inclúe tamén unha revisión de vías que están soportando unha enorme saturación de tráfico polo centro, coma a **Virxe da Cerca** ou a **Rúa de San Pedro**. A idea é evitar na medida do posible o paso constante de coches polo corazón da cidade peatonalizando, introducindo máis direccións únicas e desviando o tráfico rodado por alternativas periféricas. A cambio, a proposta é un **transporte público eficiente**, con rutas a demanda e microbuses para ter atendida a veciñanza do rural, aparcadoiros disuasorios mellor situados e máis atractivos e medidas protectoras para os ciclistas, como a declaración de “**Zona 30**” en todo o centro da cidade.

Desenterrar a estación intermodal

Para Compostela Aberta a cidade sofre un baleiro grave nunha cuestión clave: a intermodalidade. Dende os primeiros concursos de ideas do Colexio Oficial de Arquitectos para **a nova estación intermodal**, en 2009, pasando polo concurso oficial convocado por ADIF en 2011, no que resultou gañador un proxecto de Juan Herreros que resolvía a problemática da comunicación entre o Ensanche e Pontepedriña, ata hoxe non se avanzou nada. “Foron catro anos totalmente perdidos nos que por non ter, non temos nin proxecto”, lamenta Jorge Duarte, que formou parte como decano do COAG do xurado profesional de Adif e para quen é prioritario reivindicar a obra como unha necesidade urxente para a cidade e para a súa conexión co aeroporto.

42

“Para recuperar a vitalidade do Casco Histórico é necesario limitar os establecementos hostaleiros e as tendas de souvenirs”

Non é un problema novo. Cidades cunha alta presión turística coma Venecia ou Bruxas viron como os seus cascos históricos se foron convertendo nunha especie de museos ao aire libre sen veciños, de parques temáticos nos que os comercios de proximidade e os antigos negocios de barrio se viron substituídos por tendas de recordos e locais de hostalería cun único destinatario: o turista ou excursionista. É a burbulla do “souvenir”.

Para recuperar a función residencial do Casco Histórico e evitar unha excesiva turistificación do espazo urbano, Compostela Aberta propón **unha moratoria de cinco anos na creación de prazas hoteleiras nesta zona e declarará “zona saturada”** de tendas de recordos as principais rúas que conducen á praza do Obradoiro. Para

facer a cidade histórica máis habitable e xerar emprego de calidade no sector hostaleiro.



CHAVE 13. SER GALEGA PARA SER UNIVERSAL

Santiago de Compostela, capital da Galiza. Unha frase que reflicte unha realidade que vai alén do simplemente administrativo. No milenio longo da súa historia a nosa cidade cumpriu o papel de espazo de confluencia, catalizador e aglutinante do mellor das enerxías creativas do pobo galego.

43

A chegada por milleiros de estudantes, intelectuais, artistas e artesans, que aquí viñeron e veñen a estudar e traballar, fan de Santiago o auténtico motor do xenio de todo un país. Xenio que ten tamén en Santiago, como cidade aberta ao mundo, un espazo privilexiado para amosarse internacionalmente e impregnarse das novas ideas que chegan de toda parte. Compostela Aberta orgúllase do papel da nosa cidade como motor intelectual da Galiza e formula unha proposta política para reforzalo e aperfeizoalo.

En galego estamos no mundo.

Este orgullo do noso obríganos a prestar unha especial importancia a unha das ferramentas fundamentais e unha das maiores obras da creatividade colectiva da galegidade, o noso idioma. Un idioma que permite a comunicación máis próxima máis que tamén é unha xanela que abre camiños globais e favorece especialmente un relacionamento fluído con os países lusófonos. Compostela Aberta considera que é fundamental aproveitar o privilexio que supón gozar da capacidade para nos comunicar, no noso propio idioma, con os espazos culturais de Portugal e Brasil. Para isto fomentaremos o cumprimento da Lei Valentín PazAndrade 1/2014. Apostando polo galego como lingua de cohesión social.

Promover a normalización lingüística transversalmente en todas as políticas municipais a través dunha galeguización íntegra da administración, tanto nas actividades internas. Crearemos un Foro da Lingua que poña en conexión todas as entidades, asociacións, ENDL, ANPAS etc... de Santiago. Estudaremos as posibilidades legais de aproveitar as potencialidades do portugués no ámbito local. Medidas ambiciosas que dotarían a Compostela dun poderoso capital simbólico, ao tempo que serían beneficiarias inmediatas as persoas da importante comunidade lusófona do noso concello, así como aquelas compostelanas que viven e escriben a lingua galega como indiferente do portugués.

Cidade histórica, cidade com historias.

Santiago de Compostela, a cidade e o territorio do concello, é un espazo físico habitado desde fai milenios. Centos de xeracións de seres humanos contribuíron a construír o que hoxe é o noso fogar. O relato dominante na actualidade sobre a natureza histórica de Compostela pasa por alto boa parte dos substratos sobre os que asentamos. Para alén da cidade histórica, para alén do Camiño, para alén do Xacobeo existe unha multitude de outros relatos que tamén é preciso coñecer e pór en valor.

Compostela Aberta entende que as políticas públicas sobre patrimonio histórico deben prestar unha especial atención a todos eses relatos e elementos materiais que ficaron nun segundo plano, ou foron directamente ignorados, no vigorante modelo de cidade histórica. Un modelo pensado fundamentalmente como obxecto de consumo turístico e no que a viciñanza de Santiago fica relegada. A proposta de Compostela Aberta para políticas patrimoniais ten como obxectivo fundamental conseguir que a cidadanía de Santiago coñeza, valore e faga súa a historia, as historias, da cidade.